

matina, ch'è Domenica, in chiesa di San Marco con la Signoria et parenti a la messa. Questo Doxe fo Compagno dil Doxe defonto; ha mexi 22 maneo di lui; la qual compagnia si chiamava *Solenni*, di quali è vivi *solum* 5 con lui.

Questo Doxe è di anni 87. Naque dil 1434, a di 17 Zener, a hore 8 homo di gran prosperità e sempre stato venturoso in le soe cosse; homo rico et fato per lui con ventura gran facultà. È stà honorato in questa Republica; mai ha voluto rezimenti; è stato Savio di Terra ferma, Avogador dil Consejo di X, Savio dil Consejo; do fiate è stato Capitanio zeneral di mar; do volte ambador a Maximian quando el vene a Milan del 1496; et a Milan a questo re di Franza quando el vene et andò a Bologna a parlar al Papa, dove andò *etiam* Soa Serenità. Questo, per furia di venetiani, al tempo di la guerra dil Turco dil 1499, che fo perso Lepanto, era capitanio zeneral di mar, et fu preso che 'l venisse con li ferri a li piedi a le prexon; et cussi vene. Et menato in Gran Consejo, per li Avogadori sier Nicolò Michiel dottor et cavalier, sier Marco Sanudo et sier Polo Pixani el cavalier, et preso, di procedier et presa la più aspra parte, *videlicet* confinarlo in vita a Cherso e Ossero con taia. El qual andoe, e non potendo starvi, vene a Roma, dove havia uno fiol cardenal, qual è vivo e di primi cardenali di la corte, ha intrada ducati . . . milia, et al presente si ritrova a Ceneda; sichè Soa Serenità habitoe a Roma in exilio anni . . . , et comprò una vigna et fabricoe habitation. *Demum*, in questa guera, vedendo la Republica nostra haver bisogno di tal Senator, fu posto, per li Consieri, in Gran Consejo parte che 'l possi venir in questa terra non obstante altro exilio l'havesse, et fu presa di tutto il Consejo, et vene, e di novo fo electo Procurator di San Marco di la chiesa, che prima era Procurator di (*citra?*) et cussi introe in Collegio, e sempre à ajutato la sua patria; per il che è venuto a questa dignità. Et ha fato il campaniel di San Marco et le caxe nove atorno la Piazza, a le qual cosse ha posto ogni diligentia come Procurator.

Questo ha do fioli vivi: il reverendissimo Cardinal et domino Vicentio. Do altri è morti: sier Hironimo, qual fu Consier per danari, et domino Petro fu Comandador di Bologna havia intrata ducati . . . Di sier Vincenzo, uno fiol è abate di Rosazo, e di sier Hironimo uno è patriarca di Aquileja, l'altro episcopo di Ceneda, e questi do sier Marco e sier Vetur. Li quali è maridadi, il primo in la fia qu. sier Francesco Foscarei el cavalier, il secondo in la fia di sier Piero Querini *da le Papoze*, et soa sorella maridà

in sier Stefano Querini di sier Piero, et la fia di sier Vincenzo in sier Jacomo Malipiero di sier Hironimo. È parente strettissimo con li Grimani di San Cassan et altri quasi tutti Grimani, et de mi Marin Sanudo è secondo cuxin per via de la moglie defunta, qual fu fia di uno sier Domenego Loredan. Non ha molto parentado come havia el Doxe defuncto; sichè la sua bona fortuna l'ha conduto a tal dignità.

Exemplum.

Scurtinii fati nel XLI per far Doxe di Venecia, dil mexe di Luio 1521.

A dì 4 Luio post prandium.

Sier Domenego Trivixan el cavalier, procurator	12.28
Sier Francesco Foscarei, savio dil Consejo, qu. sier Filippo procurator	2.38
Sier Leonardo Mozenigo, fo savio dil Consejo, fo dil Serenissimo	13.27
Sier Zorzi Corner el cavalier, procurator	12.28
Sier Piero Capello fo savio dil Consejo, qu. sier Zuan procurator	5.35
Sier Andrea Gritti procurator	13.27
Sier Antonio Trun procurator	14.26
Sier Alvise di Prioli, fo savio dil Consejo, qu. sier Piero procurator	8.32
Sier Alvise da Molin procurator	11.29
Sier Antonio Grimani procurator	17.23

A dì 5 dito, mane.

Sier Alvise da Molin procurator	13.27
Sier Antonio Trun procurator	19.21
Sier Andrea Gritti procurator	17.23
Sier Domenego Trivixan el cavalier, procurator	15.25
Sier Leonardo Mozenigo, fo savio dil Consejo, fo dil Serenissimo	13.27
Sier Antonio Grimani procurator	18.22
Sier Zorzi Corner el cavalier, procurator	15.25
Sier Lorenzo Loredan procurator, fo dil Serenissimo	15.25

A dì dito post prandium.

Sier Zorzi Corner el cavalier, procurator	12.28
Sier Piero Capello, fo savio dil Consejo, qu. sier Zuan procurator	7.23